

黑龍江府縣志輯

中國地方志集成

黑龍江府縣志輯

黑龍江府縣志輯



中國地方志集成

黑龍江府縣志輯 ⑧

民國湯原縣志略

民國樺川縣志

鳳凰出版社 ● 上海書店 ● 巴蜀書社

湯原縣志略

輿地志

經緯度

按湯原地方在黑龍江省之東稍偏南約距千里按世界經緯係東經度一百二十四度北緯度四十七度

沿革

按湯原縣地方古無籍可攷前清時代屬黑龍江管轄於前清光緒三十一年始設縣治 表附

湯原縣沿革表
歷代
清
中華民國
無籍可攷
湯原縣
湯原縣
湯原縣

疆域

按湯原縣南至松花江與吉林東北界僅隔一江東以梧桐河與蘿北縣分界北至小興安嶺與蘿北烏雲各縣分界西北至通北縣西至慶城鐵驛西南至通河縣面積約三萬方里其中可墾荒地約有一百萬垧現墾出熟地僅五萬垧 圖附

山川

一 山脈 小興安嶺居縣城之北即湯原與蘿北烏雲通北各縣分界之大山嶺也其在湯原縣境者東西綿亙約七百里又名之為青山又名之為白羅山蓋即內興安嶺極東之尾間曰達里帶嶺居縣境之西即湯原與鐵驛慶城各縣分界之山嶺也亦名之曰青山其在湯原境者南北綿亙約二百里曰分水嶺原湯原之西南即湯原與通河分界之山嶺也綿亙約長百里又縣境以內之山曰哲溫山曰鶴立岡曰珠勒華喇曰伊土利阿嶺曰烏魯木嶺曰二郎山曰萬青山曰克爾奇山曰盤嶺曰白蘭山曰沃賀山

二

按此羣山星羅棋布於縣境之內面積約佔全縣十分之八蓋皆小興安嶺之支脈也 (圖附於全縣圖內)

一流水 按湯原縣之水松花江繞其南其境內水之大者為湯旺河發源於小興安嶺南北貫串縣之中央折曲南向而入於江約長八百里其次梧桐河發源於小興安嶺之極東尾間處折曲南向而入於江約長四百里即湯原與蘿北之界河也其次鶴立河發源於小興安嶺而圍繞鶴立岡山之東曲折東向而入於梧桐河約長三百里其次阿凌達河發源於鶴立山其次花爾市河發源於珠勒華喇山南流至鶴立鎮之南與阿凌達

稷 黏者為秠北方謂之高粱或謂之紅粱通謂之秠又謂

之蜀蓋祭之類而高大似蘆南人呼為蘆祭今呼高

糧土人率多飯此漚為米粉食品所珍又可入麴燒酒其

莖可織箔編席夾籬供燃料稍可作帚有利於民者其薄

大麥 爾雅謂之牟莖葉與小麥相似但莖微粗葉微大芒長殼

與粒相連碾米作飯甚滑並可作麴和蜀黍以燒酒及喂馬之用

小麥 磨為麩粉色最潔白土人以為常食

蕎麥 伏種秋收更三四磨白如雪味甘香勝中土所產作餅鬆美

稗 似黍莖勁穗不下垂略似粟但穀色近黑既堪水旱種無

不熟稗中有未擣取米炊食之不減粟米

五

玉蜀黍 又名玉米幹葉似蜀黍而肥性苗高三四尺穗如秕麥

苗身中間別出一苞苞上出鬚如紅絨子藏苞中有黃白二色俗

呼包兒未漚粉可食亦可碾為米作飯餅可磨為麩為餅

黃豆 有大小二種可食可醬可油可腐

小豆 有綠赤白三種可煮可炊可粥飯

綠豆 有二種可作粥飯磨為粉作餅蒸糕以水浸溼置於溫暖

處生白芽又為菜中佳品

梗 即旱稻也湯原沿江一帶多有種者其為食用不減兩

湖之稻

蘇 可炸油

蔬屬

葱 葱有三四種冬葱夏衰冬盛莖葉氣味俱美漢葱冬即葉

枯莖葱皮赤葉岐出如八角均可食

韭 莖名韭白根名韭黃花名韭菁可醃作茹

蒜 一名胡蒜每頭五六瓣或十餘瓣亦有獨頭者

茴香 一名懷香生苗作叢肥莖綠葉子如麥粒小茴香芳香

不及茴香

六

菠 稜菜今呼菠菜

芹 有水旱二種赤白二色

苦蕒 葉似苦苣而細斷之有白汁花黃似菊根葉可茹此為

苦菜即詩之荼也

蕨 種類不一即菌類也湯原所產有花蕨榛蕨等類

木耳 又名黑菜湯原縣山內枯倒之木皆生木耳蓋亦菌類

蘿蔔 圓而皮紅或青者為大蘿蔔而色白者為水蘿蔔子入藥名

菜脈又一種色黃曰胡蘿蔔

茄子 有旱茄水茄之別

黃花菜 野生一科數花結細子但味少苦取為羹茹甚香美亦名金針菜

菘 俗呼白菜

秦椒 長於秦而上銳生青熟紅味至辛土人多食之又一種結

椒向上者名天椒

瓜屬

黃瓜 種末西域今為常蔬

南瓜 種出南番又倭瓜種出東洋今皆為土宜矣

攪瓜 形類倭瓜而小內生筋絲醬酸蜜漬皆宜食俗名曰西葫蘆

瓠瓜 即匏瓜亦即葫蘆

西瓜 中有瓢甜如蜜籽可炒食為果中佳品

香瓜 即甜瓜極香甜夏可盡飽無破腹之患湯原土質帶沙最宜生植

果屬

松子 生松塔中湯原北山最多松塔松子節也其形下豐上銳層層

鱗砌望之如窠塔每瓣各藏一粒既熟則瓣開而子落

榛子 樹低小如荆叢生開花如櫟其實作苞三五相黏苞一貫

生青熟褐殼厚而堅仁白而圓湯原所產香美異於他處

梨 湯原所產僅有山梨一種而酸澁不甚適口

杏

山楂

蓮子 僅於湯原城東蓮花池處生有蓮花其子頗小藕亦方花僅有紅之色

花屬

芍藥

玫瑰

江西臘

串枝蓮

荷花 湯原僅有紅之一種六七月間盛開

草屬

淡巴菰 即煙草湯原所產可比吉林

烏拉草 出近水處

馬藍 似蒲而小

羊草 生山原間可以飼牛馬

葭荻草 莖如麻葉小而銳花如木棉結實而不可食食之令人狂走

木屬

松 山中最多而且大分有果松沙松油松數種

柞 即櫟樹也土人均伐此燒炭

狃狃 山內所產亦多皮甚佳

貂 其皮毛甚厚為貴重之品亦出產之一宗也

鱗介屬

鯉 各魚到處多有

鰕 湯原所產亦肥美可食

白魚 為魚之大宗肥美佳於他處

遮鷓魚 大可百餘斤有骨無刺如鯉而味更勝

鱈魚 江中多有大可盈車

達發哈魚 秋八月自海逆水入江併入於湯原各河流故至八九月

十三

間住戶均取以為食

蚌蛤 形長曰蚌圓曰蛤湯旺河所出者核而長肉厚明珠所在多有

蟲屬

蜂 山中多有均於枯樹心中作窠土人亦藉以為利

蟋蟀 一名促織秋後則鳴穴於窻者名窻鷄

蟋蟀 廣雅謂之蟋蟀今俗名聒聒

螳螂 俗呼刀郎乳子作房著樹枝即螳螂入藥

蛾 湯原無蠶蛾其他草木各蟲以蛹化為蛾者最多

蝶 山中蝶大如掌彩色斑斕

螢 螢蛸蛸蛸在多有又蜈蚣水蛭蟞山原草澤亦皆有之

蟾蛤 背黑多瘡俗呼癩蝦蟆又山哈多伏叢中似蝦蟆而大

腹俗呼哈什蟆其油可食

蝸牛 頭有兩角又土蝸俗呼鼻涕蟲

蚊 蚊窠指白戰之類攢噓人馬馬畏之不前乃焚青草煙驅之

蚊 蚊窠 所在皆有

礦物

物

表

十四

鑛	金	銀	鐵	煤	石
					灰

金 按湯原山內各河流域均有金沙發現近未開採者梧桐河

金鑛局係由官商合辦又黑奎河金鑛係商辦性質然未正式

開辦現係採探時代而淘金人等已約有二千餘人又亮子河亦

出沙金刻亦有採探者又湯旺河流域產金亦富惟鑛區歸梧桐

河鑛局所有現尚未開採

銀 湯原境內產銀之區在克爾奇山之東南麓俗名大眼溝此鑛皆於山石內現尚未開採

鐵 湯原境內出鐵之區沿鶴立岡各山脉所在多有惟未開採利業於地殊為可惜煤 湯原境內煤鑛極富現查得者鶴立岡太平川三道灣等處均產煤惟鶴立岡一處現已開採矣又因運輸不便致未振興

石灰 湯原各山巖均含有石灰質現開採者太平川北石灰窰大眼溝之石灰窰出產極富而質亦佳美

按湯原各山原係已息火山岩故金屬鑛質所在多有但無鑛學專門從事採探亦惟有棄之而已

建置志

城池

按湯原縣原設治地點距松花江北岸八里未修有城池僅劃城基東西四里南北三里又三十六丈內分東西大街三道南北大街三道於民國十年因原有縣城交通室塞防守不易經知事伊雙慶呈准省署遷移於松花江岸土名南柈廠子地方劃城基處東西二里南北里東西北三面均挖拱城壕計壕深七尺寬天一尺內劃東西大街三道南北大街三道沿江東西立有城門各一座北面城門兩座四圍炮臺六座 圖附

十五

關塞營壘

駐防陸軍營壘從前在舊城基南面共草房四十六間週圍挖有營壕係於光緒三十四年由公款修造刻因年久濘塌不堪居住於民國十年又於新城基東北角集公款蓋有營房二十間週圍挖拱營壕現駐有陸軍營部併步兵一連於舊城基舊縣署院內留有草房十間駐陸軍步兵一連至於關塞境內現未設置亦未習舊日遺址

津梁

一 津 湯原南距松花江沿岸渡口四處曰依湯渡口在迎蘭鎮西距

十六

縣城一百二十里曰南柈廠渡口在縣城之南面曰東柈廠渡口在東柈廠東距縣城八里曰樓上渡渡在樓上屯東距縣城三十五里又湯旺河渡口在縣城西北距縣城八里

一 梁 查湯原僅有橋梁兩處曰黑金河橋在縣城之東北拒距三十里曰格節河橋亦在縣城東北相距四十里係於民國三十四年間積公款修造均以大木架成頗形堅固

驛站

於湯原縣城西一百二十里靠松花江北岸設有驛站一處前清時歸吉林三姓管轄名曰頭站宣統二年改為文報局於民國三

年裁撤今其地方仍名之謂頭站又於湯原縣城東北二百四里地方前清時設有文報局一處於民國三年裁撤所有往來文件均歸郵寄

廨宇

湯原縣公署原在舊城基係於宣統二年經知事劉虞卿建造署內共磚瓦房二十九間板房十六間圍土墻於民國十年經知事伊雙慶呈准省署將舊縣折移於南梓廠地方修有大堂二堂門房暨東西廂房共計磚瓦房二十一間又臥房廚房及衛隊共木板房十四間另修有監獄一處內計瓦房十間板房三

十七

間在縣署西院又警察所草房五間在縣署東院周圍土墻一百一十大高一丈四角築有礮臺局勢頗形宏敞

圖附

壇廟

湯原洪荒甫闢闔境內並未修有壇廟

勝蹟

湯原洪荒甫闢闔境內實無勝蹟可攷

經政志

自治

中華戶籍

於民國十年調查所得者共戶六千二百七十七戶計男二萬九千六百二十六口女二萬二千七百五十口

風俗

湯原地居邊塞密通山林開闢未久所以人民寥寥數千家尚不失古來淳樸之風然其習氣亦以人種而稍有分別漢人習慣多耐勞自奉亦儉多數以開荒耕地為業旗人多係前清初年由雲南各省遣撥到此由各驛站充當差役原歸吉林三姓副督統管轄相安日久生殖頗繁惟習於偷安男子半多游閑刻己將驛站裁撤無所服務除打獵外亦間有種

十八

地者而男女均嗜菸酒以故貧困者十居八九至索倫一種均在深山林密之處未有定居仍事游獵亦嗜菸酒怠惰偷安惟因久於圍獵而男女均熟於槍馬擇取而用之足以禦匪

方言

漢語為普通語旗人原多係漢種故其語言與漢人無別惟索倫另有二種語言其音韻與滿語相近而其居在山外者與漢人雜處亦有閒習漢語者

自治

按湯原自治於民國元年十月設有縣議會會內議員十二名就

中舉會長一人副會長一人一年兩次開會討論地方自治各事於民國三年底奉令裁撤對於地方應興應革各事僅有議論而未實行

警政

全境分五區各設區官一人步警長十名管理各區警察事宜縣城設警察所一處內設所長一名股員二名稽查二名守衛隊十名統轄各區官補助縣自事辦理地方警政又縣署內置警隊四十名專事巡緝至醫院濟良所各項因荒僻甫開未遑舉辦

民團

十九

境內設有保衛團三團第一團分設二保第二團分設四保第三團分設四保各團設有團總一人各保設有保董一人甲長一名牌長若干名以上共三團十保十五甲共團丁二百二十名均長川分駐要隘馬團丁予餉江錢三百吊步團丁予餉二百五十吊均按升科熟地抽餉計每熟地一垧年分二季抽捐每季保衛團捐江錢十二吊五百文此外每保又設預備團丁無定額有地二十垧者出丁一名歸各保統轄有事則聚無事則散不支薪餉

清鄉

平時由警察會同保衛團清查戶口併遵照黑龍江清鄉章程按項辦理清鄉事宜

財政志

田賦

按湯原田賦係照向來習慣按冊載已升科年限地畝調查業經開墾成熟數目征收地租每垧中等征地租大洋三角五分每垧附加三費大洋二分又地租每百元收經征費大洋三元計湯原十年度升科熟地四萬九千零七十一垧一畝七分共收地租大

二十

洋一萬七千一百七十四元九角一分共收三費九百八十一元四角二分三厘又地租三費兩項每百元加收經征費三元計共收經征費大洋五百四十四元六角九分

雜捐

按湯原縣十年度地方雜捐收入有學費警費自治費各項收入分別列左

學費項下

一 餉捐 每垧熟地收大洋一角四分以五萬五千垧計算約收大洋六千六百元又由警款之每垧江錢二吊內撥歸四成可收江錢四萬四千

吊以二十吊合大洋二千二百元

一木梓捐 每繩收江錢一吊五百文以萬二千繩計算約收江錢一萬八千七百五十吊以二十合大洋九百三十七元

一煤井捐 每噸收江錢二吊以二萬四千噸計約收江錢四萬全吊以二十合大洋二千四百元

以上共收學費一萬二千一百三十七元

警費項下

一胸捐 每熟地一垧收大洋二角一分四厘按五萬五千垧計算可收大洋一萬一千七百七十元又每垧加收江錢兩吊可收江錢十一萬吊以

二十一

二十合大洋五千五百元除又於此款內撥出四成作為學款二千二百元外二共收大洋五千零七十元

一商捐 按所賣得之錢每百吊收錢一吊計閩境各商約年可賣江錢千萬吊收錢十萬吊合大洋五千元

一出境糧捐 出境糧石價值百吊者收錢一吊出境糧價約有三百萬吊可收錢三萬吊合大洋一千五百元

一木梓捐 每繩收兩吊五百文按一萬三千五百繩計算約年可收江錢三萬一千二百五十吊合大洋一千五百六十二元五角

一旅捐 行旅客人每人收銅幣一枚每年約收五萬二千枚以

一百三十枚折洋一元合大洋四百元

一屠宰捐 屠猪一口收捐小洋二角每年按四千口預計約收八百元以一二折大洋六百六十六元

一山貨捐 山貨賣錢百吊收錢一吊五百文每年約賣二百萬吊可收江錢三萬吊

一魚梁執照約年可收大洋九十元

一商業註冊約年收大洋三十元

一沿江地皮捐 沿江營業房間估居官地者甲等每間收錢四十吊乙等者三十吊丙等者二十吊每年約收江錢一萬六千

二十一

吊以二十合大洋八百元

以上共收二萬六千六百二十四元

自治費項下

一垧捐 每熟地一垧收洋二分八厘以五萬五千垧計算約收大洋一千五百四十元

一脚行捐 年收大洋一百五十元

縣歲國家出入總表

名	入	數	出	數	備	致	數
別	入	數	名	別	出	數	致

脚行捐	一百五十元		
合計	一千六百九十元	合計	一千六百九十元

積貯

按湯原開闢未久加之民國三四年間水災頗甚嗣又經白龍匪蹂躪十室九空各戶逃亡流徙者約居三分之一近來年景頗佳而元氣尚未大復是以未有積貯事項

蠲郵 無

鹽法

向年於湯原域內設推運分局一處於吉林長春總倉領塩按

二五

定價售賣至民國九年塩法變更取銷推運分局併各處門消即由商各於吉林蘭江塩倉購運到湯由商代賣其賣塩之價仍由官定按月由電通知

錢法

市面通常行使以江錢為本位至大洋江小洋江滙兌券亦間有用者但由商會按期依照哈埠價格為漲落之標準牌示週知不自製毛帖故錢法尚無紊亂之弊

公債

民國三四五六各年所發行公債民間頗有使者惟因年景災歉

胡匪蹂躪致使勸募無多然商農急公好義之忱仍勃然而興一聞勸募均勉力維持計各年公債銷出者共約有四千元之譜

墾務

旗丁生計地

按湯原於前清宣統二三年間於山內伊松糖梨川等處放出呼蘭旗丁生計地共十四段三千二百四十三戶共荒地十四萬五千四百三十垧因向來胡匪肆擾無一戶開墾者坐視良田棄置荒蕪殊為可惜

站丁地 無

二六

招墾

按湯旺河荒地極廣原有面積三萬四千二百餘方里除山河外計得荒地二百五十三萬九千餘畝大吏為實邊計畫招戶墾闢當於前清光緒三十一年七月署黑龍江將軍增奏准出放三十一年九月署將軍達署副都統程奏准廣事招徠委派湯原縣劉虞卿辦理至三十四年始經竣事計放毛荒六十三萬九千八百餘垧嗣於民國元年於湯原東半境以梧桐河為界劃歸蘿北縣將湯原原界劃出大半計山外沿江平坦之區僅有荒地五十餘萬垧嗣後連年水災加之胡匪肆擾所招徠各戶大半遷移他處

故迄今十餘年墾出熟地僅及七千餘垧而其餘三十餘萬垧仍舊荒蕪俾膏腴等於石田政治不良為患何極邊防空虛民生彫弊有撫斯土之責者當為留意也

墾墾無

清丈

於民國三年從事清丈設清丈分局一處局長一人科員三人清丈員八起自民國六年始行竣事計大清熟地七千五百三十垧荒地三十萬零一千餘垧均係原放荒地又新放荒地四千六百餘垧又丈出可墾官荒二十餘萬垧不可墾地六萬餘垧此清丈之

大概也

二七

林務

按湯原縣山林最廣天然利源至大且富惜經理無方僅有天利林業公司眾志林業公司二家領有林場二千方里其餘盡為通原林業公司所包辦每年招工刊伐刊下之木材按百分之三抽分又為胡匪擾亂加之水道不修故每年刊下之木無多

礦務

按湯原礦產極富惟金煤為大宗金之一項現開採者有梧桐

河金礦局係官商合辦性質內設局長一人礦兵三十人委員三人僱員四人刻淘金之夫二三千人按每磅所採得之數按分抽收官金計每日可收官金二十餘兩又黑金河金礦係商辦性質現正著手探採尚未正式開辦煤之二項開採者僅鶴立岡煤礦一處在哈埠設立總公司亦係官商合辦於礦處招工取煤其一切作法純用人立尚未用機器惟因運輸不便未能獲有大利是非仿照西人用機器取煤併修造鐵路輪船以事運輸則不能發達也

漁業

二八

按湯原南界松花江而湯旺河衝貫中央南約千里江中河中產魚頗富但無人創辦漁業天然之利任其棄置不過沿江河住戶或釣或網每年所取得者無多亦不成為事業

牧業

按湯原山深林密而有水草之區亦多殊便於畜牧惟民間均從事開墾且因天災匪患十室九空全境人民所畜之牛馬僅為耕墾之用尚覺不足故未有言及牧業者

商政

按湯原地面遼濶北接山林所有金煤等礦以及木植皮張等物

